



Universitätsbibliothek Paderborn

**Responsio Ad Accusationes Quibus De Mala Doctrina
Accusatur Apud S. Sedem Florentius De Cocq Ecclesiæ S.
Michaëlis Antverpiæ Ord. Præmonstrat. ... In Libello, Cui
Titulus: Propositiones per Belgium ...**

Cocq, Florentius de

Lovanii, 1693

Accusatio Prima.

urn:nbn:de:hbz:466:1-40343



ACCUSATIO PRIMA.

Nulla tentatio, quantumvis parva, ab homine superari potest sine gratiae supernaturalis auxilio. Parte 3.
Artie. 4.
num. 10.

Textus: nec parva, nec magna tentatio potest ab homine superari, sic ut non peccet. Florentius de Cocq in Principiis totius Theol. pag. 394.

RESPONSI O.

Loco citato, intelligo primò doctrinam illam (ut expressè ibidem addo) de tentatione, quæ deliberatè sentitur: non verò de illis, quæ in parte sensitivâ vix exortæ per se evanescunt.

Secundò, fateor ibidem Conclusionem 2. & dico expressè in terminis, nos posse variis modis superare temptationem, etiam satis gravem sine Dei gratia, idque juxta illud S. Augustini lib. 21. de Civit. Dei c. 16. Nonnumquam apertissima vitia aliis vitiis vincuntur occultis. Et Epistola 29. aliquid vitium vitio tollitur, ut amore laudis amor pecuniae.

Tertiò, ibidem doceo, quod etsi voluntas possit sine Dei gratia superare temptationem aliquam; numquam tamen ita eam superabit, prout illam superare debet: id est, vel quod in eam tunc sine Dei gratia incidet, vel eamdem Vincat labendo in aliud peccatum.

Quartò, addidi ibidem, quod illud tale vincere, non sit ita dicendum vincere, quam, ut ait S. Prosper c. 9 Carm. de ingratis. In vulnera vulnera surgat.

Quinto concludo cum S. Augustino loco citato de Civitate Dei, & dico ibidem: Tunc itaque victa vitia deputanda sunt, cum Dei amore vincuntur, quem nisi Deus ipse non donat. Quod & alias, docet idem S. Doctor contra Julianum lib. 5. cap. 8. ad victoriam vitiorum exigens Dei gratiam, Ut non alia reprobâ cupiditate, sed Dei charitate vincantur.

Cum verò expressè agam de tentatione, quæ deliberatè sentitur; & consultò in propositione accusatâ addiderim, sic non peccet: satis liquet agere me, & intelligere dictam propositionem de Victoria tentationis, quæ sit bona, & sit, sicut oportet: qualem victoriam sine Dei gratiâ negamus cum Sanctis Patribus, & aliis mox citandis.

PROBATIONES DICTÆ SENTENTIÆ.

SEntentiam, de qua accusor, probavi ibidem primò ex Scripturâ S. quod Psalmista generaliter de omni tentatione dicat Psal. 17. & fateatur, *in te eripiar à tentatione*. Id est, per Dei gratiam. 2. Quod Apostolus dicit enumeratis variis temptationibus ad Rom. 8. *Sed in omnibus his superamus propter eum, qui dilexit nos.* 3. Quod Matthæi 26. dicit Salvator: *Orate, ne intretis in temptationem.* Item, quod in oratione suâ orare jussérunt, *Et ne nos inducas in temptationem.* Matth. 6. oratio autem sit evidentissima gratiæ Dei testificatio, juxta S. Augustinum mox citandum.

Secundò, probavi dictam sententiam ex Sacrosanctis Ecclesiæ Conciliis, & Summis Pontificibus. 1. Quidem ex testimonio Innocentii in Epist. 25. ad Concilium Carthagin. apud Augustinian. 91. post medium, ubi ita scribit: *Quotidiana præstat ille remedia, quibus nisi frett, consigue vitamur, nullatenus vincere humanos poterimus errores. Necesse est enim, ut quo auxiliante vincimus, eo iterum non adjuvante vincamur.*

Ex dicto Innocentii testimonio, duo Colligere hic liceat: unum, quod divinum auxilium, seu remedium ad vincendos humanos errores, sive temptationes, vocet Pontifex *quiodianum*: quale remedium non esset alias agnoscendum, si sine Dei auxilio leviores temptationes superari possent: cum non pauci per multos etiam dies non sentiant temptationes graviores: qui consequenter juxta aliorum sententiam non indigerent ad hoc auxilio, seu remedio jam dicto.

Alterum est, quod dicat Pontifex, *Necesse est enim, ut quo auxiliante vincimus, eo iterum non adjuvante vincamur.* Id enim in obvio sensu nil aliud importat, nisi quod homo, qui quotiescumque vincit, per Dei auxilium vincat; quo destitutus ipse à temptatione vincatur.

Addidi testimonium Concilii Arausican Can. 9. dicentis: *Divini muneris est, cum & recta cogitamus, & pedes nostros à falsitate, & injustitiæ continemus.* Quo testimonio idem planè innuit, quod mox Innocentius: dicendo enim *divini muneris*, id est, gratiæ divinæ, donum esse, cum & recta cogitamus, & pedes nostros à falsitate, & injustitiæ continemus: idem dicit, ac *roties divinâ gratiâ nos adjuvari, quoties pedes nostros ab injustitia, & temptationibus ad illam excitantibus continemus.*

Enimvero, si vel *minimam temptationem* sine Dei gratiâ vinceremus, jam illud non esset divini muneris, sed naturæ virium: quod tamen *divini muneris esse generaliter asserit Synodus Arausicana,*

Citavi etiam (sed non allegando) Canonem 14. ejusdem Concilii, quem hic addo, & sic habet: *Nullus miser de QUANTACUMQUE MISE-*

RIA

RIA liberatur, nisi qui Dei misericordia prævenitur. Dum dicit Synodus de quantacumque misericordia, etiam levem tentationem indubie comprehendit.

Idem testatur Celestinus in Epist. 1. Can. 9. adferens verba Zozymi Papæ, & dicens: Quod ergo tempus ait (Zozymus) Intervenit, quo ejus non egeamus auxilio? IN OMNIBUS IGITUR ACTIBUS, COGITATIONIBUS, MOTIBUS, adjutor, & protector orandus est. Superbum est enim, ut QUIDQUAM sibi natura humana præsumat; clamante Apostolo, non est nobis Colluctatio &c. Ecce in omni cogitatione, motu, & actu adjutor, & protector orandus est Deus; & consequenter ad illud requirendum Dei protegentis auxilium: nam ut ait S. Augustinus Epistolâ 107. Prorsus non oramus Deum, sed orare nos fingimus, si nos ipsos, non illum credimus facere, quod oramus. Et rursum Epistolâ 89. Frustra enim rogantes Deum dicimus, ne nos inferas in temptationem, si hoc in nostra possum est potestate, ut nullo illius adjutorio id valeamus implere. Oramus autem Deum indubie ad omnes tentationes, etiam leves superandas.

Tertio probari potest ex Sanctis Ecclesiæ Patribus. Primo ex S. Cypriano serm. 7. de Oratione Dom: ubi ait: Quando rogamus, ne in temptationem incidamus, admonemur infirmitatis, & imbecillitatis nostræ, dum sic rogamus, ne quis se insolenter extollat, ne quis sibi superbè, atque arroganter ALIQUID assumat.

Sequitur S. Augustinus dicens l. de perfectione justitiae cap. 21. Placè quisquis negat, nos orare debere, ne intremus in temptationem (negat autem hoc, qui contendit, ad non peccandum gratiæ Dei adjutorium non esse homini necessarium, sed solidâ lege acceptâ, humanam sufficere voluntatem) ab auribus omnium removendum, & ore omnium anathematizandum esse non dubito. Notari hinc potest ad dictum jam Augustini testimonium, me consultò in propositione dixisse hominem sine Dei gratiâ non posse superare ullam temptationem, sic ut non peccet.

Addi potest S. Gregorius lib. in Psalmum 3. poeniten., in illud, ne derelinquas me Domine Deus meus. Illos, inquit, procul dubio Dominus relinquit, quibus constantiam in tribulatione non tribuit; necesse enim sequitur, ut OMNI temptationi sit subditus, quicumque à Deo fuerit derelictus.

Et S. Bernardus sermone in octavam Pasch: sic habet: QUOTIES ergo temptationi resistis, QUOTIES vincis malignum, noli propriis tribuere viribus; noli in te, sed magis in Domino gloriari.

Imo S. Ambrosius Epistola 84. docet, id pertinere ad veram & Christianam humilitatem, quod in omni actione, & temptatione divinum gratiæ auxilium invocemus. Audi ejus verba: Sicut enim alienus est à numero fidelium, & à sorte Sanctorum, qui in aliquo à Catholicâ veritate dissentit, ita

extra gratiam efficitur , qui aliquid de ejus plenitudine diffitetur : quasi homō auxilio Dei in QUADAM actionum suarum parte egeat , in QUADAM autem non egeat : sitque ullum tempus , ullumve momentum , quo perniciosum illi esse non possit , si ab eo Spiritus Sanctus defuerit.

Neque dici potest , prædicta Conciliorum , Pontificum , & SS. Patrum testimonia , dum ad quamvis temptationem superandam ibi exigunt divinæ gratiæ auxilium , intelligi debere , de generali Dei concursu , ac speciali providentia modo à divinâ per Christum gratiâ distincto : nam cum constet prædicta Concilia , ac S. Patrem Augustinum in hâc causâ egisse contra Pelagianos (qui indubie ejusmodi auxilium non negabant) nihil , aut parum contra illos alias confecissent.

Nec potest dici (loquimur cum Contensonio nobiscum hîc sentiente libro 8. dissert. 2. cap. 1. de necessitate gratiæ speculat. 3. consecratio 1.) *Summos illos Ecclesiæ Catholicae Pastores loqui de temptationibus gravibus , ad quas auxilium Dei necessarium esse definiunt. Non inquam , id potest dici , tum quia universaliter de omni temptatione loquuntur ; nec luculentas Conciliorum , Romanorumque Pontificum definitiones licet pro humanæ rationis arbitratu , exceptionibus novis , & à Patrum traditione desertis eludere. Tum , quia ad vindicandum quamcumque peccati in temptatione miseriam , quotidianis remediis nos indigere docent : levis autem tentatio est quædam miseria : quotidianum etiam remedium non est necessarium , nisi ad quotidianas temptationes , quæ utique non sunt in omnibus quotidie graves.*

Ob hæc , & alia S. Scripturæ , ac SS. Patrum testimonia , meritò docet Eminentissimus Cardinalis Bellarminus controvers. l. 5. de gratiâ & libero arbitrio cap. 7. in terminis NON POSSE SOLIS NATURÆ VIRIBUS UL- LAM VERAM TENTATIONEM SUPERARI. Et in decursu ejusdem capituli expresse scribit : MAGIS CONSENTANEE AD SCRIPTURAS , ET PATRES LOQUUNTUR , QUI DICUNT NULLAM TENTATIONEM SI- NE DEI AUXILIO VINCI POSSE.

Mirari hîc lubet , quomodo Accusatores nostri hanc tanti Cardinalis apertam sententiam audeant rogare per Belgii salutem , & fusum Jesu Christi sanguinem à Sanctâ Sede condemnari.

Bellarminum sequitur Pater Gabriel Vasquez. 1. 2. q. 109. a. 2. disp. 189. per totam : qui & signanter ait cap. 4. *Miki verò multò probabilius , & rationi consentaneum visum est , indigere hominim aliquo auxilio gratiæ Dei per Christum distincto à dono Creationis , ne minimæ temptationi succumbat , & ab eâ supereretur. Citat insuper ille Gregor. Arim. in 2. dist. 28. q. 2. a. 1. Abulensem in caput 15. Matth. q. 178. Capreolum in 2. dist. 28. q. 1. a. 3. ad 3. Marsilium 1. q. 20. a. 3. concl. 4. & 5.*

Addi etiam potest Petrus de Soto , qui instruct. Sacerd. lectione 16. de pœni-

poenitentiâ , ita scribit. Reverâ docet nos CERTA FIDES , non nisi novo
gratiæ Dei auxilio ullam tentationem nos posse vincere , aut ullum bonum opus
efficere.

ANIMADVERSIO AD DICTAM PROPOSITIONEM.

Videtur damnari per 30. Baii: non soli fures hi sunt & la-
trones, qui Christum Viam & Ostium Veritatis, & Vita ne-
gant, sed etiam qui docent temptationi ulli sine gratiæ
ipsius adjutorio resistere hominem posse, sic ut in eam non induca-
tur , aut ab eâ non superetur.

R E S P O N S I O.

Objectionem illam mihi met ipsi loco citato proposui, & respondi
idem, quod scribit Pater Turrianus è Soc. Jesu opusc. 15. cap. 3.
§. 1. ubi ait: Notandum id, quod notavit Pater Vasquez , nempe Illustrissi-
mum Bellarminum fuisse Lovanii eo tempore, quo prædicta Bulla promulgata
fuit. Et tamen ipse docuit (Lib. 5. de Grat. & Libero Arb. c. 7.) Nullam
temptationem posse vinci sine gratiâ: quod non diceret , si propositio illa 30.
damnaret suam opinionem : In alio ergo sensu damnatus est Badius. Item
cum Bellarminus doceat , posse viribus naturæ fieri aliquod opus bonum, ta-
men non utitur autoritate prædictæ Bullæ: quod tamen ficeret , si agnosce-
ret sibi favere. Præterea ut testatur P. Vasquez loco citato (in 1. 2. Disp.
190. cap. 18. n. 179) Cardinalis Toletus sentiebat , nullam temptationem
posse vinci , aut vitari sine gratiâ. Et tamen ipse autoritate Pontificis Gre-
gorii XIII. missus est ad illam Bullam promulgandam , & componendas lites
Lovanii exortas circa illas Propositiones Baii.

Lubet audire ipsum P. Vasquez loco citato , qui objectâ sibi hac pro-
positione, Non solum fures hi sunt, & latrones &c. respondet eam mini-
mè obesse dictæ opinioni nostræ accusatæ, eo quod eamdem doceat Bel-
larminus : At ille (inquit) rectè noverat prædictam damnationem , imo &
occasionem illius , nam & ipse Lovanii fuit eo tempore , quo contentiones inter
Doctores exortæ fuerunt ; & Romæ , cum prædicta Bulla edita & confirmata
fuit ; nihilominus , neque contra opinionem , quam docet de victoriâ tentatio-
num , quidquam ex hac Bullâ sibi objicit ; neque , cum docet posse fieri aliquod
bonum opus ex propriis viribus sine auxilio gratiæ , autoritate hujus Bullæ id
confirmat : sciebat enim optimè , eam ad hoc nihil roboris habere ; cum tamen
hujus meminerit , & alias Propositiones in illâ damnatas adduxerit. Adde

Fran-

Franciscum Tolet. nostræ Societatis Religiosum, & postea Romanæ Ecclesiæ Cardinalem Illustriss. cum quo de hac re conveni, dum eßem Romæ, in ea fuit sententiâ, quod NULLA TENTATIO, ETIAM MINIMA, sine auxilio gratiæ per Christum vinci possit, aut vitari sine peccato: & tamen ipse auctoritate Apostol. c. Greg. 13. Lovanium missus est ad componendas lites de hac re inter Theologos, & ut curaret prædictam Bullam ab omnibus submisæ recipi: sciebat igitur nihil suæ opinioni prædictam damnationem adversari.

Præterea docet dictus author ab ipso Toleto Bullæ promulgatore edictus & informatus, quod omnes Baii Propositiones non eamdem mereantur Censuram; & aliquas earumdem solummodo damnari ob rigidum judicium, sive nimis atrocem Censuram, quâ aliorum opinione criminabatur: quod si verum, & fides Vasquezio adhibenda, meritè hanc Propositionem ita condemnatam fuisse concludimus; tum ob atrocem Censuram, vocando contrariæ sententiæ Authores, fures & latrones: tum, quod eâ condemnatione non obstante, eamdem opinionem expresse tradat Toletus ipsius Bullæ promulgator; & Bellarminus de vi Bullæ optimè instruitus.

Sed ultra jam dictam responsonem, expresse addidi in solutione argumenti illius nobis objetti, quod dicta propositio, *Non solum fures & latrones &c*, non tantum condemnata sit ob dictam censuram acerbiorem, sed & addidi, *quod sit in se falsa: cum possit homo sine gratia tentationi resistere, sic ut in eam non inducatur, aut ab ea non superetur, puta succumbendo alteri tentationi*. Unde & consultò in conclusione additum est, *sic ut non peccet*.

De cætero, cum Accusatores nostri, nos hic & alibi insimulent Bajanismi & Jansenianismi; adeoque ut constitutionibus summorum Pontificum repugnantes (quâ fide & intentione, non iudico) hinc contra eosdem profiteor, nos, & scholam nostram, omnes Apostolicæ Sedis constitutions debitâ submissione revereri; & nos, ac nostra omnia illius iudicio plenè submittere.

A C C U S A T I O I I .

*Parte 3.
Articulo 4
num. II.* **N**ihil in S. Augustino familiarius, nisi hominem ad omne opus moraliter bonum exigere speciale Dei auxilium. Et additur, ita in terminis Florentius de Cocq in princip. totius Theolog. pag. 381.

Animadversio: *eadem videtur cum 65. Bajana supra relata*. Scilicet hâc, *Non nisi Pelagiano errore admitti potest usus liberi arbitrii bonus, sive non malus, & gratia Christi injuriam facit, qui ita sentit & docet*.

RES-